



Inatsiartunut ilaasortaq
Gert Mikaelen, Naleraq

**Nunatta kujasinnerusortaani qimussernissamut sumiiffiup
ammaanneqarnissaa pillugu § 37 naapertorlugu apeqquteqaammut nr.
62/2026-mut akissut**

27-05-2026
Suliap nr. 2026 - 7659

Asasara Gert Mikaelen

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Apeqquteqaat Inatsiartut suleriaasianni § 37, imm. 1 naapertorlugu saqqummiunneqarpoq, aammalu Inuussutissarsiornermut Aatsitassanuullu Naalakkersuisoqarfimmut innersuunneqarluni. Akissuteqaat Aalisarnermut, Piniarnermut, Nunalerinermit Imminullu Pilersornermut Naalakkersuisoqarfimmit ilassuteqarfigineqarluni suliarineqarpoq.

Apeqqutit matuma kinguliani ataasiakkaarlugit issuarneqarput, akissuteqaat kingornanniilluni.

Apeqqut 1: Nunatta kujasinnerusortaani qimminik qimuttunik qimmilerluni takornariartitsisarneq pillugu nunaminertamik piffimmik tunineqarluni angallassisarneq ammaaneqarsinnaanerluni.

a) Inatsisitigut arlaannik allanngugassaqarpat sorliit allanngugassaassappat?

Akissut:

Takornariartitsinermit suliniuteqarnerit, najukkani suliffissaqartitsilersinnaasut isertitaqarnissamullu nutaanik periarfissiiviusussat, Naalakkersuisut ataatsimut isigalugu neriulluarnartumik isigaat. Taamaattoq kalaallit qimmiinik qimuttunik atuinermi, tamatumalu pisinnaaffiit, annertuunik inatsimmi aalajangersakkanik malitassaqarpoq.

Inatsiartut inatsisaanni nr. 18, 30. oktober 1998-imeersumi, § 19, imm. 5 naapertorlugu qimuttoqarfiusut avataanni kalaallit qimmiinik qimuttunik eqquassinissaq inerteqqutaavoq. Tamatumaa kingunerisaanik Kalaallit Nunaata kitaata kujasinnerusortaani kalaallit qimmiinik qimuttunik qimmilerluni qimussertoqarsinnaanngilaq.

Taamaattumik Nunatta kujasinnerusortaani qimussimik takornarianik ilaasoqarluni angalaarnissamut sumiiffimmi ammaassisoqarsinnaanngilaq.

Apeqquut 1a. Inatsisitigut arlaannik allannugassaqarpat sorliit allannugassaassappat?

Akissut:

Maannakkut qimuttoqarfiusut avataanni kalaallit qimmiinik qimuttunik eqqussinissaq qimmeqarnissarlu akuerineqassappata, tamatumani qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata nr. 18, 30. oktober 1998-imeersup allanngortinneqarnissaa pisariaqartussaavoq, takuuk § 19, imm. 5.

Inussiarnersumik inuulluaqqusillunga



Múte B. Egede

Nunanut Allanut, Inuussutissarsiornermut Aatsitassanullu Naalakkersuisoq